

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

Bosco, Jean a

Lovanii, 1665

Concl. IV. Intentio faciendi quod facit Ecclesia, non est voluntas solùm
faciendi sseriò actum illum externum, sed est intentio efficiendi verum
Sacramentum, sive utendi verbis illis & rebus secundùm ...

[urn:nbn:de:hbz:466:1-73340](https://nbn-resolving.de/urn:nbn:de:hbz:466:1-73340)

Ita Doctor de intentione primo modo, quam nemo Catholicorum facilè negaverit, imò neque hæreticorum; quippe stat cum joco & irrisione Sacramenti etiam exterior. Progrediamur ad intentionem secundo modo, in qua reperiemus majorem contradictionem & difficultatem.

Finis, propter quem actus est exercendus, sit duplex: *Principalis* (inquit) & *remotus*, utpote quod baptizatus (loquitur de Baptismo) fiat filius regni, qualis fieri non potest, si non habeat gratiam, per quam est dignus rūa. Alius est proximus & minus *principalis*, ut scilicet baptizatus fiat Christianus, sive membrum Ecclesie militantis; & utrumque finem potest aliquis intendere in universal vel particulari. Quod recentiores sic explicant, ut alia sit intentio gratiae sive effectus Sacramenti, alia ipsius Sacramenti.

Si ergo queratur à me, quæ intentione requiritur? Respondeo verbis Doctoris Subtilis supra n. 4. & Dico, quod intentionis finis ultimi nullo modo requiritur in baptizante; quia paganus nullo modo intendit ordinare ictum, quem baptizat ad vitam eternam: requiritur tamen intentionis finis proximi; & hoc vel in particulari, vel in generali: in particulari, ut si intendat ictum intrare legem Christianorum servandam: in generali, si intendat facere circa ictum, quod Christiani solent facere circa suos.

Pergit Doctor: Ratio autem quare requiritur ista intentionis respectu finis proximi, & non respectu finis ultimi, est congrua: quia scilicet Deus volunt ictum actum exercitum à ministro esse humanum in eo, & non tantum ut est talis actus in natura (quia in hoc non distinguuntur à quacumque alia balneatione, cum alijs verbis) sed in quantum est actus alicuius ut ministri exercens signum Dei: habens autem aliquem actum humanum intendit finem illius actus, ut est sibi actus humanus: ergo minister intendit finem proximum ictus actus, ut est sibi impositus: sed finis ille ultimus, scilicet ordinare ictum ad vitam eternam, non est finis huius, ut est actus humanus, ad quem finem oporteat actum ictum ordinare ut sit sibi humanus.

Probat à simili n. 5. Si quis (inquit) legislator institueret in sua politia, tactum manus esse signum practicam amicitie, non intendeter quod utentes illo signo precise haberent tactum humanum circa ictud in quantum est tale quid materialiter; sed in quantum est tale signum institutum. Et si dispositus esset omne tale signum facere servari; non sacerdot servari, nisi homo exerceret tactum ictum, ubi est institutus ad tales finem. Ex his liquidò constat, quid sit, iuxta mentem Doctoris Subtilis, velle facere quod facit Ecclesia. Pro quo sit

CONCLUSIO IV.

Intentio faciendi quod facit

Ecclesia, non est voluntas solum faciendi serio actum illum externum, sed est intentio efficiendi verum Sacramentum, sive utendi verbis illis & rebus secundum institutionem Christi, hoc est, eo modo, quo Ecclesia sive universalis, sive particularis, aut etiam parochus, aut alia persona validè conficiens Sacramentum, illis utitur.

49a
Conclusio
est communis

Et communis contra nonnullos Doctores Catholicos, qui videntur docere ad valorem Sacramenti sufficere voluntatem faciendi simpliciter actum externum quem facit Ecclesia, esti cum animo mere intendo non conficiendi Sacramentum.

Hanc opinionem post Concil. Florent. & Trident. novissime defendit multis pro ea adductis argumentis Joannes Marius Scribonius Gallus in Pantolitha seu Summa Theologie disp. I. de Sacramentis in genere q. 7. non autem q. 6. (quam citat Card. Lugo disp. 8. n. 14.) quippe ibi impugnat sententiam hæreticorum, & solvit argumenta Alfonsi Salmeronis in Societate Jesu, quibus lib. 1. disputationum in Epistolas Pauli 1. parte disp. 2. probat privatam intentionem ministri, qui aut nihil credit eorum quæ facit, aut derisorie facit, aut contraria habet intentionem non conferendi Sacra menta aut eorum effectus, etiam Sacramentum in forma Ecclesie confusa administret, quibus (inquam) probat hanc intentionem non vitiare Sacramentum.

Notat quoque Dicastillo disp. 3. n. 46. Lugonem immerito taxare Scribonium, quod jam abolitam & sepultam sententiam conatus fuerit excitare; nam video (inquit) non antiquos tantum, sed recentiores etiam in illam inclinare, illamque ut probabilem & piam, aut etiam veram, sequi. Citat autem Sylvestrum, Cauha-

Ratio con-
gruentia il-
lius ex Sco-
to.

48.

Dian. Catharinum, Angelum, Alensem, Durandum, Gabrielem, Valentiam, Michaëlem Zanardum, & alios apud Dianam 3. parte tract. 4. refol. 17. Et quod caput est (verba sunt Dicast.) S. Thom, non semel aut uno in loco, sed iterum ac tertio id vel asserit, vel probable putat.

*sed minis-
tēs.* Sed reverā hic Auctōr vel sibi ipsi non constat, vel non intellexit sententiam Scribonij (& quid mirum, cūm fateatur se illum nunquam legisse?) nam nūl, 53. affirmat plorosque alios Auctōres & ipsum D. Thom, non eis contrarios communis doctrinæ assertores; neque enim docent perfici Sacramentum, sed Deum misericordiā suā supplicere defēctum Sacramenti, non faciendo ut Sacramentum sit validum; sed conferendo ex misericordia gratiam, non characterem. Scribonius autem quid? docet (ut appareat) non solum conferri ex misericordia gratiam, sed etiam vi Sacramenti imprimi characterem, sive Sacramentum simpliciter esse validum; salvā tamen (ut loquitur) Sancte Matris Ecclesiae auctoritate & determinatione, quam & sequi (inquit) usque ad mortem, & sequendam penitus doceō tanquam columnam veritatis.

*51.
Probatio
Conclusio
dis ex au-
toritate
Ecclesie.* Porro illa auctoritate & determinatio- ne præcipue nititur nostra conclusio: quippe non efficacius probatur, quām ex definitionibus Conciliorum præcedenti conclus. citatis, ex quibus colligimus hanc fuisse divinam voluntatem, quā est ratio à priori. Certum enim est, si Deus voluisset, intentio solius actus externi sufficeret. Nunc autem Ecclesia definens contra hereticos requiri ad valorem Sacra- menti animum serio & non joco agendi, fatis significat ultra actionem externam le- riō exercitam, necessariam esse intentionem internam efficiendi Sacramentum.

*Non nega-
rant heretici
actionem
externam,
etiam fe-
tiam.* Enimvero heretici non negarunt actionem externam, etiam fetiam (ut patet ex Calvinio supra citato) sed censebant confici verum Sacramentum à ministro, intus (ut loquitur Calvinus) totam actionem subsan- nante. Quamquām non dubitem, quā etiam admiserint validum ministerium cum irrisione externa. Et in hoc ultimo dumtaxat Catharinus, Scribonius & alij viden- tur ab ipsis differre. Quid enim refert, quod fiat animo interno irridēti, si non requiriatur animus conficiendi?

Respondes cum Scribonio supra q. 7. in principio: Cūm homo sit agens libe- rum, nisi intentionem haberet Sacra- mentum conficiendi & conferendi, nunquām ad hoc opus procederet, præsertim cūm

nullo metu percusus, nullā pollicitatione illectus, sed sponte voluntate hoc opus conficiendum aggrediatur: in omni siquidem actu humano sive libero est intentio agentis, cūm omne agens voluntarium agat ex proposito & intentione.

*52.
Reponit
ad primum
fundamen-
tum Scribo-
nij, quod
omne agens
volunta-
rium agat
ex propo-
sito & inten-
tione.* En primū ruinosum fundamentum, super quo hic Auctōr ædificat domum, levissimo vento subvertendam. Quid enim facilis & clarus, quām actum externum, v. g. ablutionem & prolationem verbo- rum, ex sola Christi institutione habere rationem Sacramenti? Sicuri ergo ante institutionem Sacramenti poterat quispiam velle ablueret & proferre verba absque intentione Sacramenti; ita & post institutio- nem liberum unicuique est ablueret & proferre verba, sine vel cum animo conficiendi verum Sacramentum. Interrogo siquidem: si paganus aliquis, qui nihil unquam audivit de Sacramento Baptismi, proferret formam & ablueret infantem, num ideo intentionem haberet Sacramentum confi- ciendi & conferendi?

*53.
Dices: In facie Ecclesie verē infans
ministro Sacramentorum fuit oblatus cum
debita parentum intentione ut illi Baptis-
ma conferret, & minister habeat intentionem
faciendi quod facit Ecclesia, quia de
facto facit; & conseqüenter verē censeatur
baptizare; quia Ecclesia non judicat de oc-
cultis. Ita Scribonius.*

Respondeo: non facit de facto quod facit Ecclesia; nam Ecclesia baptizat cum animo conferendi Sacramentum, ipse autem cum voluntate naturaliter ablueret & proferendi ista verba, v. g. ad pecuniam accipiendam, vel alium finem indifferen- tem. Aut si velit hic Auctōr cum actu ex- terno in facie Ecclesie necessariō esse con- junctam voluntatem conferendi Sacra- mentum, jam nihil docet diversum à com- muni sententia, ut patet. Nihilominus fa- tis faciamus alijs ipsius argumentis.

*54.
Responso
ad funda-
mentum se-
cundum,
quod Mini-
ster gerat
vices Eccle-
sie, que ve-
rē judicat
eum esse
baptizatum;* Argumentatur itaque secundō: Mi- nister vices gerit Ecclesia; sed Ecclesia verē judicat eum esse baptizatum; ergo mini- ster per intentionem internam ipsi Eccle- sia non conformem (qua illa præter in- tentionem non conficiendi Sacra- mentum?) si habeat externam illi conformem, & faciat quod ipsa facit, Sacramentum ir- ritare non potest; præsertim cūm virtus ejus extra actionem externam sese non exten- dat. Sed rursus petitur principium; jam jam enim negavi ipsum facere quod facit Ecclesia. Et sanè ubi aut quando Ecclesia judicavit eum verē esse baptizatum, quem minister baptizavit in facie Ecclesie absque

absque animo conficiendi Sacramentum? Quidam in foro externo habetur pro baptizato; sed quia de defectu intentionis internæ non constat.

Enimvero Ecclesia nonnè judicat Matrimonium publicè contractum esse validum, quamdui non constat de defectu consensus interni? Quis dixerit propterē esse validum in foro interno? Certè universa schola Theologica clamat contrarium. Etiā illi, qui docent ad alios contractus sufficere consensum externum, ad Matrimonium requirunt consensum inter-

*Cet. Tua nos,
de Sponfati.*

num. Et habetur cap. *Tua nos* de Sponsatibus, ibi: *Nos autem quid iurū sit, rescribentes: dicimus, quid si res ita se habuerit, rivedicer quid illa eam non proposuit ducre in uxorem, nec unquam consenserit in predictam personam, non debet ex illo facto coniugium iudicari, cum in ea nec substantia coniugalis contractus, nec forma contrahendi coniugium valeat inventur: quoniam ex altera parte dolor solammodo affuit, & defectus omnino consensus (scilicet internus) sine quo catena nequeunt sedis perficere coniugale.*

*Scriboni.
55.*

Non pendet valor Sacramenti à iudicio externo Ecclesiae, quando illud iudicium innititur falsa præsumptioni: presumit autem Ecclesia ministrum publicè administrantem Sacra menta habere legitimam potestatem & intentionem, atque uti debitâ materiali & formâ. Hinc tamen non sequitur, quin Sacramentum in foro interno possit esse invalidum ex defectu potestatis, materiali aut formâ; addo ego, & intentionis internæ. Quamvis enim intentione illa non sit pars intrinsecè componens Sacramentum, tamen (ut bene advertit Scotorus supra n. 9.) *Sicut causa efficiens requiritur necessario ad ipsum, tanquam causa extinseca; ita illud quod est quasi principium agentis tali causa effectiva.* Principium autem ultimum determinans agens intellectuale ad agendum est intentio; quia tale agens per imperium voluntatis est causa activa motiva aliarum potentiarum, *qua subiacent impeto voluntatis.*

*Minister
Sacramen-
torum po-
tius est mi-
nister Christi,
quam Ecclesia.*

56.

His accedit ministrum Sacramentorum potius esse ministrum Christi, qui agnoscit defectum intentionis, & iudicat in abolutione ab excommunicatione, quae datur à Sacerdote nomine Ecclesiae. Ita Card. supra n. 53. Cùm (inquit) sequatur conditiones condonationum & contractuum.

Et si respondeas cum Scribonio in so-

lutione tertiae objectionis: si iudex proprius proferat exterius sententiam abolutionis, reum esse verè absolutum, quantumcumque interius aliud intendat, dummodò exterius illam fictionem non prodat. Hec responsio (ait Lugo supra n. 18.) est in primis contra Theologos omnes, qui nullum actum legitimum validum iudicant, quando si absque interno consensu.

Sed fallitur Emin. nam contractus omnes, etiam gratuitos, valere solo consensu debito, sentit Basilius Pontius de Matrimonio lib. 2. cap. 4. secutus Turrianum disp. 55. dub. 12. Eandem opinionem defendit Dicastillo de Justitia & Jure tract. 3. disp. 1. dub. 19. num. 457. & frequentibus. Item tract. 4. dub. 4. & in opero de Sacramentis tract. 11. de Matrimonio disp. 1. dub. 4. & 7. cum fundamento, an fine fundamento in re, alibi examinabimus.

Redeo ad secundum argumentum Scribonii, & quod in illo addit; virtutem ministri extra actionem externam sese non extenderet, falsum ostendo vel in hoc unicō, quod laicus possit exercere eandem propterea actionem externam, quam Sacerdos; & tandem non conficit Sacramentum, v. g. Eucharistia; ergo virtus Sacerdotis extendit sese ad valorem, sive ad esse Sacramenti illius actus externi, quod est aliquis effectus moralis, immo & physicus in Sacramento Eucharistie, scilicet Corpus & Sanguis Christi, que si non physicè, saltem moraliter mediatae ponit præsentia sub speciebus panis & vini; & idem posset dici de gratia & charactere in alijs Sacramentis. Deinde sufficit, quod Deus physicè non causet effectum Sacramentalem, nisi positis signis cum tali intentione interna.

Quà responsive facile satagit reliquis argumentis istius Auctoris; omnia enim, præter ultimum, supponunt Sacra menta à Christo instituta, non pendere ab intentione interna, vel certè intentionem ministri contraria non posse impedire causam principalem, qui est Deus, vel sufficere intentionem faciendi opus externum prout fit ab Ecclesia, quæ omnia aut sunt, aut involunt, vel certè supponunt id, de quo disputamus, & ad summum probant Christum potuisse sic instituere Sacra menta, quod non negamus; sed dicimus ex Conciliis citatis factis constare, ea ipsa de facto instituta esse dependenter ab intentione interna.

Si petas, ubi Christus requisiverit istam intentionem (quod est ultimum argumentum Scribonij) solum quippe dixit: *Ite, doceite omnes gentes baptizantes eos &c.* Et alibi: *Euntes*

*Non res
a Lugo.
Theologos
omnes oculi
lum actum
legitimum
validum
dicare, quod
que cōficit
interno.
Basili. Ponti.
Turriani.
Dicastilli.*

*57.
Virtus mi-
nistri ex-
tendit se
tra actio-
nam esti-*

Sect. 7. De Ministro Sacrament. Concl. 4. 155

Euntes in mundum universum, predicate Euangelium omni creatura. Qui crediderit & baptizatus fuerit, salvis erit; ubi nullam prorsus facit mentionem intima illius intentionis, quam nos requirimus.

Respondeo, etiam non facere mentionem intentionis faciendi quod facit Ecclesia, & tamen illa requiritur secundum omnes. Eo ipso ergo, quod misit Apostolos suos tanquam ministros ad baptizandum, voluit quod operarentur ut ministri, scilicet ex intentione faciendi id, quod faciunt, non suo nomine, sed mittentis, sive ex intentione faciendi id, quod is, qui eos mittit, instituit, quæ est intentio valida.

Omissis ergo alijs argumentis Scribonij, quæ non difficulter solvi possunt ex dictis & dicendis; contra conclusionem sic explicatam

Objicitur Primo: Athanasius ludens baptizavit, quem Baptismum validum declaravit Alexander Patriarcha Alexandrinus. Respondeo cum ludo posse stare intentionem faciendi actum validum, sive faciendi quod facit Ecclesia; etiam cum fictione externa, dummodo adhibetur legitima materia & forma.

Quid si enim aliquis fingeret se jocare propter periculum circumstantes? Estimmo validum fore Sacramentum (si cetera adsinet) coram Deo, licet forte ab Ecclesia judicaretur invalidum; neque enim à iudicio ipsius (ut supra dixi) pender valor Sacramenti, cum illud sèpe possit falli.

Ex quo non parum confirmatur communis sententia; quippe si Christus non instituit actum externum serium, id est, qui circumstantibus appareat Sacramentum, quo fundamento asservent talem actum sufficere? Aut si sufficit; ut quid penitentem dubius, sub conditione animo retentam, absolvit solet? aut ex pluribus hostijs conferrari una mente tantum determinata? Certe frustaneus est ejusmodi animus internum; quandoquidem Confessarius ita exteriori se gerat, ac si absolute absolveret, & consecrans quasi omnes hostias ante se positas consecraret.

Ad propositum igitur, Athanasius adhuc puer baptizavit quidem alios pueros ad ludum & recreationem, interim tamen intendit non simulat & ficti, sed verè facere, quod viderat Episcopum aut Presbyteros in Ecclesia facientes, prout natura puerorum est actiones seniorum quoad possint imitari. Cujus rei signum est, quod noluerit baptizare eos, qui jam erant baptizati, omniaque necessaria debite fuerint adhibita.

Simili modo responderi potest ad exemplum Genesij Martyris, quem aliqui assertunt validè fuisse baptizatum, eo quod primò quidem joco, & ad irrationem Catholicae fidei; postea vero, mente divinâ gratiâ in melius commutata, serio fuit peritus; & ex parte ministri cum animo irridendi simul adfuerit voluntas, Deo ita suâ omnipotentiâ cor ejus dirigente; voluntas (inquam) faciendo, quod faciunt Christiani.

Pro quo noto, dupliciter quidpiam joco fieri. Primò ita, ut quis omnino serio faciat aut facere cogitet, tandem id ipsum referat ad jocum & recreationem tanquam finem extrinsecum, sive finem agentis; & de tali joco hinc loquimur, quando afferimus eum possit stare cum serio voluntate administrandi Sacramentum, sive cum intentione faciendo, quod facit Ecclesia.

Secundò dicitur aliquid joco fieri, quando ita ficte & derisorie exercetur, ut jocus non tantum sit extrinsecus finis facti, sed ipsum factum intrinsecus sit jocus & ludus. Et si tali joco, seu representatione solum comicâ Baptismus exhibitus fuerit Genesio (ut multi putant, & probabilius apparet) dicimus eum fuisse invalidum; ideoque Genesium instar alterius Pauli, non vi Sacramenti, sed ex singulari beneficio, divinâ gratiâ preventum, per contritionem charitate perfectam fuisse justificatum, & ex fidei Christianæ irrissore factum fuisse eisdem praecomenem.

Et sanè iustificario adscribi nequit Baptismo, esto validus fuisse; quia saltē fuisse infructuosus sacrilegè suscipienti, nisi quis dicat monitione Angelii (de qua meminit historia apud Vincent Belluacensem in Speculo hist. lib. 12. cap. 104.) Genesium conversum fuisse, adeoque Baptismum recente fictione per reviviscitiam effectum suum contulisse.

Sed contra est, quod illa monitio Angelii praecelerit ipsum Baptismum; sic enim refertur: *Aqua hæc (inquit Angelus) delet omnia ista (peccata) quæ te fecisse cognoscis* (quippe in libro omnia & singula scripta legebantur) *Cum autem aqua perfusus esset, simul & liber ille perfusus, nre candidor efficiens est;* ita etiam ut signum scriptura præterita non demonstraret. Si ergo valuit Baptismus, etiam primò collatus contulit remissionem peccatorum; vel si peccata per contritionem præcedentem remissa fuerunt, contulit gratiam remissionis peccatorum, & valuit ad expiationem reatus poenæ, qui adhuc supererat.

Quidni potuit Deus illi Baptismo,

V 2 eti

61.
Et Genesio
baptizato,

62.

Vincenti Bela
luac,

Pratum sibi
rit,

Autor. 22.

63.
Objectio se-
cunda ex D.
Augustino.

Obiectum tantum , annectere poena re-
missionem , ut illam imaginem veri Baptis-
mi honoraret ? Sic quippe legimus in Pra-
to spirituali c. 176. Judicum quemdam
moribundum in deserto à comitibus pe-
tijisse Baptismum ; cumque aqua deeset ,
arena ab illis baptizatum , & statim con-
valuisse. Porro illa remissio peccarum suf-
ficit , ut dicatur aqua delere peccata. Ita
enim Act. 22. dictum est ab Anania Paulo
jam per contritionem justificato : *Exurge
& baptizare , & ablue peccata tua ; utique
quoad peccatum temporalem.*

Objicitur secundò auctoritas D. Aug.
lib. 7. de Baptismo contra Donatistas cap.
53. (& referrunt cap. 31. de Consecratione
dist. 4.) ubi sic incipit dicere : *Soler etiam
queri , utrum approbadum sit Baptisma , quod
ab eo , qui non accepit , accipitur , si forte hoc
curiositate aliquā dūcitur quemadmodum dā-
ctum sit ; & utrum nihil interfit , quo animo ac-
cipiat ille , cui datur cum simulatione ; an sine
simulatione : si cum simulatione , utrum fallens ,
sicut in Ecclesia , vel in ea , que patatur Eccle-
sia : an iocans , sicut in nōno ? In quibus ver-
bis (ut patet) solum loquitur de simula-
tione vel fallacia accipientis.*

Equidem in sequentibus agit de fallacia,
simulatione & joco etiam conferentis , ibi :
*Quid (inquit) profit animus veracter dantis
fallaciter accipienti , non video ; sed arbitremur
etiam fallaciter aliquem dantem , cum & tra-
dens & accipiens fallaciter agant in ipsa uni-
tate Catholica , utrum hoc magis Baptisma sit
acceptandum ; an illud , quod in nōno datur.
Si quis existat fideliter , subito accipiens commo-
tus , an quantum ad ipsos quidem attinet homi-
nes , plarimum distat inter credentem in mōno ,
& irridētēm in Ecclesia , ad ipsius autem Sa-
cramenti integratēm mībil interfit . Si enim nihil
interfit ad integratēm Sacramenti in ipsa Ca-
tholica , utrum id aliqui fallaciter , an veraciter
agant ; cur extra interfit non video , quando
ille , qui accipit non simulatione palliatum , sed
religione mutatus est . An plus valent ad confir-
mandūm Sacramentū illa veraces , inter quos
agitur , quam ad fraſtrandum illi fallaces , & qui-
bue agitur , & in quibus agitur . & tamen si
postea prodatur , nemo repeat , sed ait excom-
municando punitur illa similitudo , aut panitendo
sanatur.*

64. Ecce proposita quæſtio. Sed quæ re-
ſponsio ? Nobis tutum est in ea non progredi
aliquā temeritatē ſentientia , que nullo in Catho-
lico regionali Concilio cepta , nullo plenario Con-
cilio terminata ſunt ; id autem fit cura ſecu-
vois aſſervare , quod in gubernatione Domini Dei
noſtri & Salvatoris Iesu Christi universalis Eccle-
ſia conſenſione roboratum eſt. Et continuo

attexit : Verumtamen ſi quis forte me in eo
Concilio conſtitutum , ubi talium rerum queſtio
veraretur , non praecedentibus talibus , quorum
ſentientias ſequi malem , uigeret ut dicerem , quid
iſe ſentirem , ſi eo modo affectus eſem , quo
eram cum iſta dictarem ; nequaquam dubita-
tē habeo eos Baptismum (nota bene) qui
ubicumque (in Ecclesia vel extra eam) &
a quibuscumque (fidelibus ſive infidelibus ,
veraciter ſive fallaciter dantibus) illud ver-
bis Euangelicis conſeruatū ſine ſua ſimilatio-
ne , & cum aliqua fide accepſent : quamquā
eis ad ſalutem spiritualem non prodeſſet , ſi chari-
tate caruiffent , quā Catholice inſeruerunt Eccle-
ſia.

Ubi nihil affiſmat D. Aug. eō quōd ni-
hil illus utique definitum videret in Con-
ciliis ; ſed quid dicturus eſſet , ſi in Conci-
lio interrogaretur , & eodem modo af-
fectus eſſet quo tunc exponit ; interim tamen
nihil decernens.

Prosequitur autem : *Sicut iam praeteritis
maiorum ſtatutis , non dubito etiam illos habere
Baptismum , qui quamvis fallaciter id accipiant ,
in Ecclesia tamen accipiunt ; vel ubi putatur eſſe
Ecclesia ab eis , in quorum ſocietate id accipi-
tur Vbi autem neque ſocietas illa eſſet ita
crederent , neque ille , qui ibi acciperet , ita cre-
deret , ſed totum ludicrē & nimicē & ioculariter
agerebatur (nempe tam ex parte dantis , quam
accipientis ; hoc enim eſt totum ludicrē
agi) utrum approbadū eſſet Baptisma , qui ſic
daretur , diuinum iudicium per aliquid revelatio-
nis oraculum concordi oratione & impensis ſup-
plici devozione geminib⁹ implorandum eſſe confe-
rem , ita ſane a poſt me diuersos ſentientias , nē
quid iam exploratur & cognitum afferent , hu-
miler expectare : quanto magis ergo nunc
ſine preudiicio diligenter inquiritur vel ma-
ioris auctoritatis iſiud dixisse accipendus ſum ?*

Quid prudentius , humilius & ſecurius
hoc proceſſu in credendis ? Quis ex his non
clarifimè intelligit , quid August. do-
cuſſet , ſi Ecclesia tunc temporis iſtam di-
ſicultatem determinaſſet , prout fecit poſt
modūm in Concil. Florentino & Tridentino ? Procul dubio uſque ad effusionem
ſanguinis definitionem Ecclesiae propu-
gnafſet. Profecto ſi hæretici imitati ful-
lent hanc ſummaria animi modiſtiam &
ſubmiſſionem ſub Ecclesiae judicio , non
utique tunicam inconfutabilem ſive Eccle-
ſiam Christi tam ſeſdē dilacerarent.

Card. Lugo disp. 8. n. 45. ne tanto Do-
ctori (ut ait) craſſiſſimam ignorantia la-
bem concedat , responder Aug. nomine fal-
laciter dantis vel ſuscipientis non intellexiſſe
dantem vel ſuscipientem absque intentione , ſed
absque vera fide aut exiſtimatione
requiſita

65.
Reſponſio
Lugani.

requisita de veritate Sacramenti, vel cum simulatione, fingendo se aliter sentire, quām reverā sentiat, id est, cum Catholicis simulando se Catholicum, cum hæreticis hæreticum.

Quanta benignitas in interpretanda mente D. Aug. Evidem in principio ejusdem numeri fatur Aug. in eo capite de multis dubitasse; de quibus modō propter clariorē Conciliorum lucem nobis exhibitat amplius non dubitamus.

Et verò quia locus difficultus est, addo expositionem non multūm discrepantem à præcedenti R. A. Patris F. Mathie Hauzeur Tomo 2. Anatomie in omnia & singula opera D. Aug. ubi commentans hunc locum, querit cur dubitet de nullitate

Baptismi ludicrē tantū & mimicē suscepit aut collati absque ulla fide suscipientium aut conferentium vel intentione quidam sc̄ri agendi? Et respondet: qui potest aliquid ludicrē vel mimicē geri, & tamen sine intentione contraria institutioni. Porro si cut cause naturales, quamvis joco tantū applicatae, habent tamen suos effectus naturales, nisi impedianter appositione aliquius contrarij; ita & Sacramentum Baptismi videtur habere semper aliquem effectum suę institutionis, nisi obstat obex contraria voluntatis. Hæc ille. Quæ sit autem ista contraria voluntas, non explicat. Sanè si intelligat positivam voluntatem non conficiendi Sacramentum, communis sententia Theologorum est non sufficere in ministro ad validum Sacramentum absentiam hujusmodi voluntatis, sed requiri positivam voluntatem conficiendi Sacramentum. Ubi verò illa adest, non video quomodo totus Baptismus ludicrē, mimicē & joculariter decur, nisi forte secundūm exteriorem apparentiam. Profectò cause naturales etiam cum contraria voluntate, imo & à stultis atque pueris applicatae, suum operantur effectum.

Obijicit tertio idem Sanctus Doctor Tract. 5. in Joan. ibi: Non timeo adulterum (in actu baptizandi) non ebriosum, non homicidum &c.

Respondebat Scotus supra n. 10. Ad secundum dico, quod ebriosus est, qui est affuetus ad ebrietatem: & iste non semper est ebriosus, quia non semper impeditus ab actu rationis. Verum ergo dicit Aug. Non timeo ebriosum, id est, affuetum generiter ad ebrietatem; quia consuetudo mala non prohibet, quin Baptismus ab eo collatus sit bonus, non tamen quando est ebriosus & hoc dico perfecte, quando totaliter impeditur ratio.

Quod ita debeat intelligi S. Aug. manifeste colligitur ex adjunctis: Non timeo

(inquit) adulterum, non homicidam. An in actuali peccatoꝝ minimè; neque enim tunc solent bapuzare, sed in habituali; siquidem in eo occupatur isto loco, ut probet malitia ministri non obesse valori Baptismi: Quia (inquit) columbam attendo, per quam mihi dicitur: hic est qui baptizat. Vide supra conclusion. 2.

Obijicit quartū: Christus potuit instituere Sacramenta independenter ab intentione ministri, & magis congruum est sic fecisse, nè (ut superius ostendimus ex D. Aug. & Chrysost.) ex sola malitia ministri suscipiens patiatur detrimentum. Secundū, ad evitandas continuas anxietates & scrupulos fidelium circa valorem Baptismi & aliorum Sacramentorum.

Respondeo etiam contingere posse ex malitia ministri, ut defectu materiae vel formae Sacramentum sit invalidum. Quis autem propterā dicit materiam & formam non esse necessariam, aut Deum suppleret defectum materiae vel formae? Et tamen potuisse Deus ita instituere Sacramentum, ut valeret in quacumque materia vel forma collatum, dummodo circumstantes & suscipiens bona fide crederent esse legitimam.

Quin immo facilius & sapientius accidit invaliditas Sacramenta ex defectu materiae aut formae, quām intentionis; nullus quippe minister ignorat necessitatem intentionis, in qua elicenda nulla prorsus est difficultas; adeo ut non habere esset extremæ malitia, qualis non debet ulli adscribi. Unde manet moralis certitudo, qualem habemus de multis alijs, de quibus magis rationabiliter possumus dubitare, v. g. quod simus filii talis patris, cùm facile fieri possit, & subinde fiat, quod ex levitate matris, tentatione, aliave occasione, simus filii aliorum. At verò minister & circumstantes interdum, etiam inculpabiliter, ignorare possunt essentialē materiam & formam, quæ pendunt ex mero beneplacito Dei; intentionem quasi naturaliter & per se connectitur actui externo; eo ipso enim quo minister vocatur ad Sacramenta administrationem (nisi sit omnino perversus aut dæmoni devotus) & vocatus adest, habet aliquam intentionem, confusa saltē, in actu (ut vocant) exercito, faciendo quod fideles petunt, aut quod Ecclesia facit; et si non habeat adeo reflexam & expressam faciendi quod Christus instituit, aut quod Ecclesia facit.

Et sanè cùm hæc ita sint, equidem nemo anxius est vel scrupulizat aut dubitat propter defectum materiae aut formae de valore sui Baptismi, Absolutionis aut aliorum Sacra-

68.
Objecio
quarta ex
ratione.

V 3

66.
Expositio
P. Hauzeur.

67.
Objecio
tertia ex D.
Augustino.

Responso
Scot.

Sacramentorum. Aliud est de bonitate ministri (ut ex dictis supra colligi potest) illa enim sapientia in ministris deest, sapientia de vita honestate parum sollicitis.

Neque Deus omnibus inconvenientijs debuit providere, alioquin dicamus etiam infantes in utero sola fide parentum posse justificari, imo & aliorum, quando ex malitia parentum in utero suffocantur, ne videlicet malitia parentum innocentibus noceat; vel (si placet) excipiamus omnes illos à regula generali, quam expressit Christus Joannis 3. v. 5. *Nisi quis renatus fuerit ex aqua & Spiritu Sancto, non potest intrare in regnum Dei. Quis hoc asseret abfique magna temeritate?*

69. Propter raros ergo casus non debuit Propter 1a. Deus mutare ordinarium cursum sue prout causa non debuit videntiae, aut ita instituere Sacra menta, ut Deus mutat: nunquam possint irratae confiri bona fide re ordinaria suscipienti. Aliunde vero (inquit Lugo providentia, supra n. 50.) congruum erat Sacramentalles actiones esse actiones religiosas & ceremonias sacras, quibus Deus ab hominibus coleretur; atque adeo oportebat fieri ex intentione exercendi cultum illum: cultus enim non est sola actio externa, sed requirit voluntatem internam colendi.

Sed in oppositum facit, quod externa collatio Sacramenti possit hominibus apparere ficta ac derisoria, & nihilominus esse validum Sacramentum, juxta eundem Autorum n. 20. Videtur ergo sufficere, quod actio Sacramentalis sit cultus aliquis materialis, qui accendeat debitam intentionem possit fieri cultus formalis; & talis etiam cultus esset actio externa sine intentione conficiendi Sacramentum.

Objicitur quintum: In aliis actibus huminis, puta contractibus & similibus, sufficit in nuntio vel ministro nuda executio operis; v. g. si ex praescripto Domini emat vel vendat, non requiritur particulariter ipsius intentio emendi vel vendendi, ita quod eti si contrarium intenderet, adhuc dominium rerum per actum externum transferretur.

70. Responso. Respondeo primò cum communiori sententia, tam essentialiter requiri consensum internum ministri pro Domino emensis vel vendentis, quam ipsius Domini; præterquam quod aliquando emptio & venditio valeat, eti de facto Dominus amplius non consentiat; si v. g. revocatio mandati mandatario non innoverit, de quo alibi. Aliud forte est de nuntio, qui non dicitur contrahere nomine mittentis, sed solam significat consensum & voluntatem ipsius; quæ voluntas si revera non existat,

vel potius si fuerit revocata, etiam nuntio ignorante, nihil efficitur; sicut etiam si verba nuntiantis sint indifferenter, & proferantur nomine proprio, & non Domini.

In alia sententia, quæ ad valorem contractus non requirit nisi actum externum cum consensu debito, respondeatur, saltem quilibet dominum ita posse dare potestatem ministro pro se contrahendi, ut non valeat quod actum fuerit, nisi accesserit interna intentio. Porro (ut dictum est) noluit Christus valere Sacramentum absque intentione interna ministri.

Similis est objectio, quam habet Scotus supra n. 5. *In instrumentum non oportet quod habeat actionem propriam, sed principale agens: nec multo magis oportet, quod instrumentum habeat intentionem respectu finis, sed sufficit quod dirigatur a principali agente intende nte finem: minister est instrumentum Dei; ergo &c.*

71. Respondet Doctor n. 6. *Quod aliud est Objectio Cui idem Repondeat. loqui de causa secunda, & aliud de instrumento propriæ dicto, causa enim secunda habet formam propriam in esse quieto, quæ est sibi ratio agendi in ordine suo, & hoc respectu eiusdem effectus, respectu cuius agit causa principalis in suo ordine, ita quod universaliter secunda causa proprie accepta effectum principalis cause per formam suam propriam attingit, in virtute tamen cause principalis agentis, quia subordinatur illi. Jam autem (ut ait n. 9.) Minister est causa secunda respectu ablutionis, non tantum ut ablution est, sed ut Sacramentalis; & ideo habet propriam intentionem, cum sit agens voluntarium & non naturale, illam scilicet qua pertinet ad cognoscendum.*

Plura alia obiectantur contra hanc veritatem, sed quia nullius ponderis sunt, ab illis referendis & refellendis supersedeo. Quero autem, an quemadmodum requiriunt intentio conficiendi Sacramentum, ita etiam sit necessarius animus conferendi effectum Sacramenti? Resolutio Doctoris Subtilis est hæc:

CONCLUSIO V.

Cum voluntate non conferrendi effectum Sacramenti stat intentio faciendi quod facit Ecclesia.

Dico (inquit supra n. 4.) quod intentio finis ultimi nullo modo requiritur in baptizante &c. Et n. 9. sed respectu principalis effectus

72. Series.